



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

23. Dies Octob. Amarus est mundus, & diligitur. Puta si dulcis esset,
Qualiter amaretur. S. Augustinus de temp. 111.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

præter ipsum sunt vilia. Disce ergò non diligere hæc vilia, futilia, inutilia, ut discas diligere Deum peribis si adhæres perituris. Res hæc est in confesso, attestante Poeta, hoc pronuntiato:

Illi vita perit, quisquis pereuntia querit.

23. DIES OCTOB.

Amarus est mundus, & diligitur. Puta si dulcis es, &

Qualiter amaretur. *S. Augustinus de temp. iii.*

Mūdi mi. I. serix, Divini amoris sunt illecebræ.

Pergimus persequi mundum, ut sequamur Deum; illius inculare odium, & omne ejus calcare choragium, ut præ omnibus æstimes mus Dei amorem, & honorem; Sic nobis sapienter instar nardi, illa sententia D. Bernardi. *Ea sequi desinas, quæ & assequi miserum est.* Dic mihi quisquis hæc legis. Cùm in mundo sis natus, in mundo vivas, in mundo sis educatus, cùm mundum ames, usque ad odium tui, mūdo servias usque ad sudorem vultus, mundum sequaris usque ad tædium cordis, mundo credas usque ad cæcitatem mentis, quid aliud expectas post omnia tua obsequia à mundo, quàm mundana? Hoc est honoris umbras, gloriæ bullas, voluptatis quisquillas, porcorum siliquas; puerorum apinas, fabularum affanias, verbo, ipsissimam vanitatem vanitatum, hoc est, Nihil. Et necdum nihili facis, à quo nihil est quod expectes, præter Nihil? An solus carnem sine ossibus emere, nucis nucleum sine cortice edere, cum hoste sine periculo manum conferere, iter prolixum sine fatigatione conficere, mare sine metu naufragii transmittere cupis? eum fieri nequeat, quendam in mundo mor-

mortalium vivere, quin quo omine in mundum venerit, cognoscat. Mundus semper idem fuit, & nunc est, & post nos erit: si idem sit mundus, ergò & eadem omnia quæ sunt mundi: ergò & eodem modo tractabuntur amatores mundi.

II. Mundus semper fuit, est, & erit amarus, & tamen semper fuit, est, & erit à plerisque dilectus, & præ Deo electus. Si tam amarus, sit tamen tam charus, quàm charus esset multis, si illis esset dulcis? Quis non stupeat cùm sit hominum turba magna, quam dinumerare ferè nemo potest, qui pessimè à pessimo mundo tractantur; si ita mundus eos demulceret, ut affligit; si ita oblectaret, ut castigat: si foveret, ut nocet; si eveheret, ut deprimat; si admitteret, ut expellit; si perpetuaret ut consumit; totus mundus abiret post mundum. Quærit Cyprianus de mundo à sectatore mundi: (a) *Quidamas eum qui te odit?* Hoc est mundum: & ego oppositum quæro. Quid odisti eum, qui te amat, hoc est Deum? Dic mihi amice mundi, hoc est inimice tui, nec amice Dei, quid videre, audire, discere, amplius expetis, ut mundum cognoscas, postquam vides, quo pacto sis hæctenus à mundo habitus? Nõne petenti quietem dedit laborem? petenti honorem, inulsi infamiam; petenti opes, & lætitiã, impertivit inopiam, & tristitiã; & petenti ut in suis te numeraret, dedit missionem? petenti vitam, tribuit mortem? Sic à mundo habitus, adhuc mundum tanti habes? O munde quam procul abes à justo, & quam procul abesse à te oportet, ut quis sit justus. Mundo oportet uti, non licet frui. Dicam ergò, & verè cum D. Bernardo. *Beatus qui post illa non abiit,*

(a) *Serm. 4.*

abui, quæ possessa onerant, amata inquinant, amissa cruciant. Suadeo tibi cum Augustino: Ora, ut ad ista damnanda intellectum accipere merearis, & affectum ad fugienda, & misericordiam ad cognoscendum. Nihil erit tibi expeditius, quàm mundi laqueis te expedire, & mundum fugere, ubi quis, & qualis sit, caperis cognoscere.

III. Sed oppones, & vel sic tibi impones: Magna quip, & multa sunt in mundo, quæ hactenus expertus sum mundi oblectamenta. Et illa nunc ubi sunt? Respondet mihi, & id ipsum futurum spondeo tibi, quod Aug. (a) *Delectatio occidit, & præterit, vulneravit, & transiit; miserum fecit, & abiit, infelicem reddidit, & reliquit.* Et necdum mundum relinquas, à quo es brevi relinquendus, delinquas? Ut prædones illi Jerichontinum illum peregrinum (b) *despoliaverunt, & plagis impostis abierunt, semivivo relicto.* Ecce stipendium mundi: illa quæ sunt mundi (quid illa, nisi vitia) despoliaverunt te gratia Dei, jure ad cœlum, favore Christi, tutelâ Deipatris, suffragiis Ecclesiæ, virtutibus moralibus, omnibusque per tot annos congestis thesauris, hoc est totius vitæ meritis; illis, inquam, te despoliaverunt (nōne mundus est verè spoliarium?) Nec satis est, quod tibi sustulerint omnes tuas gazas, insuper intulerunt gravissimas plagas: post illorum spolia, sequantur tuæ vulnera: nec levia fuisse vulnera, hoc est argumentum, quia inter vivos, reliquerunt te semivivum. Ergo, ut vivere incipias, antequam vivere desinas, vel semivivus (quia anima adhuc spirat, dum sperat) incipe totus vivere illi toti, à quo accepisti, ut possis vivere.

(a) *Serm. de Temp.* (b) *Luc. 10. 30.*

Octob.

Tessera.

845

vivere, cui omnia vivunt, qui est vita tuæ vitæ. Mundum ergò desere, & illi servire desine, dum tempus est. Sic te adhortante Augustino : (a) *Corrigant se, qui tales sunt, dum vivunt, ne postea velint, & non possint, quia subito venit mors, & non est qui corrigatur, sed in ignem mittatur.* Utere tempore : enimverò,

Tempus deslendi, nunc, & peccata luendi.

24. DIES OCTOB.

Vera religio, in unius constat veri Dei servitio.

S. Fulgentius ad Donatum.

Dei in I. **S**ervire famulum Domino, est æquum : servire hominem Domino dominantium, est plus quam æquum, quia est æquitas. Omnis religio constat in unius Dei servitio : alia omnis irreligiosa est religio. Cujus ergò suasimus amorem, superest, ut pro virili, persuadeamus erga eum honorem, utpote cui soli debetur ab omnibus omnis honor. Hunc maximè prodimus obsequiorum officiis : officia extorquebunt benè expensa, Dei in nos immeritos merita. Primum honoris obsequium sit, illum ut par est, timere. Breviter, sed nervosè Tertullianus; (b) *Hominis timor, Dei est honor.* Vis causam timendi? suggeret Josephus Judæus. (c) *Qui Deum respicere suam vitam credunt, delinquere non presumunt.* Expectas jam, ut recenseam ejus beneficia? Quid volo revocate ad numerum, quæ sunt innumerabilia? (d) *Suspice calum, & numera stellas, si potes.*

(a) *De Temp.* 164. (b) *De pœnit.* (c) *Contra Apion.* l. 2. (d) *Gen.* 15. 5.